

唐書合鈔

唐書卷第三

本紀三

太宗下

四年春正月

丁卯朔日有食之

乙亥定襄道行軍總管李靖大

破突厥獲隋皇后蕭氏及煬帝之孫正道送至京師癸

巳武德殿北院火二月巳亥幸溫湯甲辰李靖又破突

厥于陰山頡利可汗輕騎遠遁丙午至自溫湯甲寅大

赦賜酺五日民部尚書戴胄以本官檢校吏部尚書叅

預朝政太常卿蕭瑀爲御史大夫與宰臣叅議朝政御

史大夫西河郡公溫彥博爲中書令

王珪爲侍中丁巳以旱詔公卿言事

三月庚辰大同道行軍副總管張寶相生擒頡利可汗

獻于京師甲申尚書右僕射蔡國公杜如晦薨甲午以

俘頡利告于太廟夏四月丁酉新書戊戌御順天門軍吏執

頡利以獻捷自是西北諸蕃咸請上尊號爲天可汗於

是降璽書冊命其君長則兼稱之六月乙卯發卒治洛陽宮秋七月

甲子朔日有食之癸酉蕭瑀罷表罷爲太子少傅○甲戌太上皇不豫廢朝辛卯疾愈賜都

督刺史文武官及民年八十以上孝子表門閭者有差上謂房元齡蕭瑀曰隋文

何等主對曰克己復禮勤勞思政每一坐朝或至日昃

五品以上引之論事宿衛之人傳殮而食雖非性體仁

明亦勵精之主也上曰公得其一未知其二此人性至

察而心不明夫心暗則照有不通至察則多疑于物自

以欺孤寡得之謂羣下不可信任事皆自決雖勞神苦
形未能盡合于理朝臣既知上意亦復不敢直言宰相
已下承受而已朕意不然以天下之廣豈可獨斷一人
之慮朕方選天下之才爲天下之務委任責成各盡其
用庶幾於理也因令有司詔敕不便於時卽宜執奏不
得順旨施行八月丙午詔三品已上服紫五品已上服
緋六品七品以綠八品九品以青婦人從夫色甲寅兵
部尚書代國公李靖爲尚書右僕射九月庚午令收瘞
長城之南骸骨仍令致祭壬午令自古明王聖帝賢臣
烈士墳墓无得芻牧春秋致祭冬十月壬辰幸隴州

新書

在九月己卯曲赦隴岐二州給復一年降咸陽始平武功死罪以下辛丑

校獵於貴泉谷甲辰校獵於魚龍川自射鹿獻於大安

宮乙卯免武功今年租賦十一月甲子至自隴州戊寅制決罪人

不得鞭背以明堂孔穴針灸之所兵部尚書表右衛大將軍為兵

部尚書侯君集叅議朝政新書十二月甲辰獵於鹿苑乙巳至自鹿苑辛

亥開府儀同三司淮安王神通薨甲寅高昌王麴文泰

來朝是歲斷死刑二十九人幾致刑措東至于海南至

于嶺皆外戶不閉行旅不齎糧焉

五年春正月癸酉大蒐于昆明池蕃夷君長咸從丙子

親獻禽于大安宮己卯幸左藏庫賜三品已上帛任其

輕重癸未朝集使請封禪二月巳酉封皇弟元裕爲鄒

王元名爲譙王靈夔爲魏王元祥爲許王元曉爲密王

庚戌封皇子愔爲梁王貞爲漢王惲爲郟王治爲晉王

慎爲申王囀爲江王簡爲代王夏四月壬辰代王簡薨

五月乙丑以金帛購中國人因隋亂沒突厥者男女八萬人

盡還其家屬六月甲寅太子少師新昌縣公李綱薨秋

八月甲辰遣使毀高麗所立京觀收隋人骸骨祭而葬

之戊申殺大理丞張蘊古初令天下決死刑必三覆奏在京諸

司五覆奏其日尚食進蔬食內教坊及太常不舉樂新書

在十二月丁亥九月乙丑賜羣官大射于武德殿冬十月右衛

大將軍順州都督北平郡王阿史那什鉢苾卒十二月

壬寅幸溫湯癸卯獵于驪山丙午賜新豐高年帛有差

戊申至自溫湯癸丑赦關內

六年春正月乙卯朔日有食之癸酉朔州山獫狁反右武衛將軍李子和敗之

二月丙戌置三師官員戊子初置律學三月戊辰幸九

成宮侯君集罷丁丑降雍岐幽三州死罪以下賜民八十以上粟帛五月魏徵檢校侍中六月己

亥鄴王元亨薨辛亥江王囂薨七月己巳詔天下行鄉飲酒九月己酉幸慶善

官冬十月侯君集起復乙卯至自九成宮十二月辛未親錄

囚徒歸死罪者二新書刑法志作三百九十人于家令明年秋

末就刑其後應期畢至詔悉原之是歲黨項羌前後內

屬者三十萬口

七年春正月戊子詔曰字文化及弟智及司馬德戡裴

虔通孟景元禮楊覽唐奉義牛方裕元敏薛良馬舉元

武達李孝本李孝質張愷許宏仁令狐行達席德方李

覆等大業季年咸居列職或恩結一代任重一時乃包

藏凶慝罔思忠義爰在江都遂行弑逆罪百閭趙彞深

梟獍雖事是前代歲月已久而天下之惡古今同棄宜

寘重典以勵臣節其子孫竝宜禁錮勿令齒敘是日上

製破陣樂舞圖辛丑賜京城酺三日

二月丁卯雨土乙

酉薛延陀遣使來朝

戊子王珪罷表
罷爲同州刺史

庚寅

表庚辰

祕書監

檢校侍中魏徵為侍中癸巳直太史將仕郎李淳風鑄

渾天黃道儀奏之置於凝暉閣夏五月癸未幸九成宮

六月辛亥八月山東河南三十州新書五行志四十州大水遣使

賑恤辛未東西洞獠寇邊右屯衛大將軍張士貴為冀州道行軍總管以討之九月縱囚來歸皆赦之

冬十月庚申至自九成宮乙丑京師地震十一月丁丑頒新定

五經壬辰開府儀同三司齊國公長孫无忌為司空十

二月甲寅辛芙蓉園丙辰狩於少陵原詔以少牢祭杜如晦杜

淹李綱之墓戊午至自少陵原

八年春正月癸未右衛大將軍阿史那吐苾卒辛丑右

屯衛大將軍張士貴討東西五洞反獠平之王寅命尚

書右僕射李靖特進蕭瑀楊恭仁禮部尚書王珪御史

大夫韋挺鄜州大都督府長史皇甫無逸揚州大都督

府長史李襲譽幽州大都督府長史張亮涼州大都督

李大亮右領軍大將軍寶誕太子左庶子杜正倫綿州

刺史劉德威黃門侍郎趙宏智使於四方觀省風俗二

月己巳皇太子加元服丙午賜天下酺三日

降死罪以下賜五品

以上子爲父後者爵一級

三月庚辰幸九成宮夏五月辛未朔日有

食之丁丑上初服翼善冠貴臣服進德冠

是夏吐谷渾寇涼州左驍

衛大將軍投志元爲西海道行軍總管左驍衛將軍樊興爲赤水道行軍總管以伐之

秋七月始

以雲麾將軍階爲從三品隴右山崩大蛇屢見山東河

南淮南大水遣使賑恤八月甲子有星孛於虛危歷於

氏十一月上旬乃滅九月丁丑皇太子來朝冬十月右

驍衛大將軍褒國公段志元擊吐谷渾破之追奔八百

餘里

作永安宮

甲子至自九成宮

表丙寅詔李靖三兩日一至門下中書平章政事

十一月辛未右僕射代國公李靖以疾辭官授特進丁

亥吐谷渾寇源州

新書涼州

已丑吐谷渾拘我行人趙德楷

十二月辛丑命特進李靖兵部尚書侯君集刑部尚書

任城王道宗涼州都督李大亮等爲大總管

靖爲西海道行軍大

總管君集爲積石道行軍總管道宗爲鄯善道行軍總

管大亮爲且末道行軍總管膠東郡公道彥爲赤水道

行軍總管利州刺史高嶺

生爲鹽澤道行軍總管各帥師分道以討吐谷渾王

子越王泰為雍州牧乙卯

新書丁卯

帝從太上皇閱武於城

西是歲龜茲吐蕃高昌女國石國遣使朝貢

九年春

正月黨項羌叛二月長孫无忌罷

三月

庚辰

洮州羌叛殺刺史孔

長秀

附于吐谷渾

壬午大赦毋鄉置長一人佐二人乙酉鹽

澤道總管高饒生大破叛羌之眾庚寅勅天下戶立三等未盡升降置為九等夏四月壬寅康國獻獅子閏月

丁卯

新書丙寅朔案五行志當從新書

日有食之癸巳大總管李靖侯

君集李大亮任城王道宗破吐谷渾於牛心堆五月乙未又破之於烏海追奔至栢海副總管薛萬均薛萬徹又破之於赤水源獲其名王二十人

長孫无忌起復

庚子太上

皇崩於大安宮

皇太子
聽政

王子李靖平吐谷渾於西海之

上獲其王慕容伏允以其子慕容順光

吐谷渾
傳名順

降封爲

西平郡王復其本國秋七月

庚子鹽澤道行軍副總管
劉德敏及羌人戰敗之

甲寅增修太廟爲六室冬十月庚寅葬高祖大武皇帝

于獻陵戊申祔於太廟辛丑左僕射魏國公房元齡加

開府儀同三司餘如故十二月甲戌吐谷渾西平郡王

慕容順光爲其下所弑遣兵部尚書侯君集率師安撫

之仍封順光子諾曷鉢爲河源郡王使統其衆右光祿

大夫宋國公蕭瑀依舊特進復令叅預朝政

新書十一
月壬戌

十年春正月

甲午復
聽政

王子尚書左僕射房元齡侍中魏

徵上梁陳齊周隋五代史詔藏于祕閣癸丑徙封趙王

元景爲荆王魯王元昌爲漢王鄭王元禮爲徐王徐王

元嘉爲韓王荆王元則爲彭王滕王元懿爲鄭王吳王

元軌爲霍王幽王元鳳爲虢王陳王元慶爲道王魏王

靈夔爲燕王蜀王恪爲吳王越王泰爲魏王燕王祐爲

齊王梁王愔爲蜀王郯王憚爲蔣王漢王貞爲越王申

王慎爲紀王

三月癸丑出諸王爲都督

夏六月以侍中魏徵爲特進

仍知門下省事

參議朝章國典

壬申中書令溫彥博爲尚書右

僕射甲戌太常卿安德郡公楊師道爲侍中

表參預朝政

已

卯皇后長孫氏崩於立政殿冬十一月庚寅葬文德皇

后於昭陵十二月

蕭瑀罷表罷
為岐州刺史

壬申吐谷渾河源郡王

慕容諾曷鉢來朝乙亥

新書
庚辰

親錄京師囚徒是歲關內

河東疾病命醫齋藥療之

十一年春正月丁亥朔徙鄆王元裕為鄧王譙王元名

為舒王癸巳加魏王泰為雍州牧左武侯大將軍庚子

頒新律令於天下作飛山官甲寅房元齡等進所修五

禮詔所司行用之

乙卯免雍州
今歲租賦

二月丁巳詔曰夫生者

天地之大德壽者修短之一期生有七尺之形壽以百

齡為限含靈稟氣莫不同焉皆得之于自然不可以分

外企也是以禮記云君即位而為裨莊周云勞我以形

息我以死豈非聖人遠鑒通賢深識末代以來明辟蓋寡靡不矜黃屋之尊慮白駒之過竝多拘忌有慕遐年謂雲車易乘義輪可駐異軌同趣其蔽甚矣有隋之季海內橫流豺狼肆暴吞噬黔首朕投袂發憤情深拯溺扶翼義師濟斯塗炭賴蒼昊降鑒股肱宣力提劒指麾天下大定此朕之宿志於斯已畢猶恐身後之日子子孫孫習于流俗猶循常禮加四重之櫬伐百祀之木勞擾百姓崇厚山陵今預爲此制務從儉約於九嶷之山足容棺而已積以歲月漸而備之木馬塗車土桴葦簫事合古典不爲時用又佐命功臣或義深舟楫或謀定

帷幄或身摧行陣同濟艱危克成鴻業追念在昔何日
忘之使逝者無知咸歸寂寞若營魂有識還如疇曩居
止相望不亦善乎漢氏使將相陪陵又給以東園祕器
篤終之義恩意深厚古人豈異我哉自今已後功臣密
戚及德業佐時者如有薨亡宜賜塋地一所及以祕器
使窆窆之時喪事無闕所司依此營備稱朕意焉甲子
幸洛陽宮命祭漢文帝乙丑給民百歲以上侍
五人壬午獵于鹿臺嶺三月丙
戌朔日有食之丁亥車駕至洛陽丙申改洛州爲洛陽
宮癸卯降洛州囚見
徒免一歲租調辛亥大蒐于廣成澤癸丑還宮夏
四月甲子震乾元殿前槐樹丙寅詔河北淮南舉孝悌

淳篤兼閑時務儒術該通可爲師範文辭秀美才堪著述明識政體可委字人并志行修立爲鄉閭所推者給傳詣洛陽宮六月甲寅尚書右僕射虞國公溫彥博薨丁巳幸明德宮己未定制諸王爲世封刺史戊辰定制勳臣爲世封刺史改封任城王道宗爲江夏郡王趙郡王孝恭爲河間郡王己巳改封許王元祥爲江王秋七月癸未大霖雨穀水溢入洛陽宮深四尺壞左掖門毀宮寺十九所洛水溢漂六百家庚寅新書詔以災命百官上封事極言得失丁酉車駕還宮壬寅廢明德宮及飛仙宮之元圃院分給遭水之家仍賜帛有差丙午修

老君廟於亳州宣尼廟於兗州各給二十戶享祀焉涼
武昭王復近墓二十戶充守衛仍禁芻牧樵採九月丁
亥河溢壞陝州河北縣毀河陽中潭幸白司馬坂以觀
之賜遭水之家粟帛有差冬十月癸丑賜先朝謀臣武將及親戚亡者塋陪獻陵
十一月辛卯幸懷州乙未狩于濟源丙午車駕還宮十
二月辛酉百濟王遣其太子隆來朝

十二年春正月乙未吏部尚書高士廉等上氏族志一

百三十卷壬寅松叢二州地震壞人廬舍有壓死者乙未

叢州地震癸卯松州地震二月乙卯車駕還京癸亥觀砥柱勒銘以

紀功德甲子夜郎獠反夔州都督齊善行討平之乙丑

次陝州自新橋幸河北縣祀夏禹廟丁卯次柳谷頓觀

鹽池

庚午如蒲州甲戌如長春宮免朝邑今歲租賦降囚罪乙亥獵于河濱

戊寅以隋鷹

揚郎將堯君素忠於本朝贈蒲州刺史仍錄其子孫閏

月庚辰朔日有食之丙戌至自洛陽宮夏五月壬申銀

青光祿大夫永興縣公虞世南卒六月庚子初置元武

門左右飛騎秋七月癸酉吏部尚書申國公高士廉爲

尚書右僕射

八月壬寅吐蕃寇松州侯君集爲當彌道行軍大總管率三總管兵以伐之九月辛

亥濶水道行軍總管牛進達及吐蕃戰于松州敗之冬十月己卯狩于始平賜高

年粟帛有差乙未至自始平己亥百濟遣使貢金甲雕

斧

鈞州獠反桂州都督張寶德敗之十一月己巳明州山獠反交州都督李道彥敗之十二月辛

已右武侯將軍上官懷仁大破山獠于壁州

是歲滁濠二州野蠶

成滿

十三年春正月乙巳朔謁獻陵曲赦三原縣及行從大

辟罪

免縣人今歲租賦賜宿衛陵邑郎將三原令爵一級

丁未至自獻陵戊午加

房元齡爲太子少師二月丙子

新書庚子

停世襲刺史三月

乙丑有星孛于畢昴夏四月戊寅幸九成宮甲申阿史

那結社爾

新書作率

犯御營伏誅壬寅雲陽石燃者方丈晝

如灰夜則有光投草木於上則焚歷年而止自去冬不

雨至于五月甲寅避正殿令五品以上上封事減膳罷

役分使賑恤申理冤屈乃雨六月丙申封皇弟元嬰爲

滕王秋八月辛未朔日有食之庚辰立右武侯大將軍

化州都督懷化郡王李思摩爲突厥可汗率所部建牙

於河北冬十月甲申至自九成宮十一月辛亥侍中安

德郡公楊師道爲中書令戊辰尚書左丞劉洎爲黃門侍郎參知政事十二

月丁丑新書吏部尚書陳國公侯君集爲交河道行軍

大總管率師伐高昌乙亥封皇子福爲趙王壬午雋州

都督王志遠有罪伏誅詔於洛相幽徐齊并秦蒲等州

並置常平倉己丑吐谷渾河源郡王慕容諾曷鉢來逆

女王辰狩於咸陽癸巳至自咸陽是歲滁州言野蠶食槲葉成

繭大如柰其色綠凡六千五百七十碩高麗新羅西突

厥吐火羅康國安國波斯疎勒于闐焉耆高昌林邑昆明及荒服蠻貊相次遣使朝貢

十四年春正月庚子初命有司讀時令甲寅幸魏王泰

宅赦雍州及長安大辟罪已下

免延康里今歲租稅

二月丁丑幸

國子學觀釋奠赦大理萬年繫囚國子祭酒以下及學生高第精勤者加一級賜帛有差庚辰左驍衛將軍淮陽王道明送宏化公主歸於吐谷渾壬午幸溫湯辛卯至自溫湯乙未詔以梁皇侃褚仲都周熊安生沈重陳沈文阿周宏正張機隋何妥劉焯劉炫等前代名儒學徒多行其義命求其後三月戊午置寧朔大使以護突

厥羅竇二州獠反廣州

總管党仁宏敗之

夏五月壬寅徙封燕王靈夔爲

魯王六月乙酉大風拔木己丑薛延陀遣使求婚乙未

滁州野蠶成繭凡收八千三百碩八月庚戌新作襄城

宮癸巳

新書
癸酉

交河道行軍大總管侯君集平高昌以其

地置西州九月癸卯曲赦西州大辟罪

赦高昌郡及士卒父子犯死期

犯流大功犯徒小功
總麻犯杖皆原之

乙卯於西州置安西都護府冬十

月己卯詔以司空河間元王孝恭贈陝東道大行臺尚

書右僕射鄖節公殷開山贈民部尚書渝襄公劉政會

等配饗高祖廟庭閏月乙未幸同州甲辰狩於堯山庚

戌至自同州丙辰吐蕃遣使獻黃金器千斤以求婚十

一月甲子朔日南至有事於園丘十二月丁酉交河道
旋師吏部尚書陳國公侯君集執高昌王麴智盛獻捷
於觀德殿行飲至之禮賜酺三日癸卯獵於樊川乙卯
高麗世子相權來朝

十五年春正月丁卯吐蕃遣其國相祿東贊來逆女丁

丑禮部尚書江夏王道宗送文成公主歸吐蕃辛巳幸
洛陽宮次溫湯衛士崔卿才文懿謀反伏誅三月戊辰幸襄城宮庚午發

襄城宮夏四月辛卯詔以來年二月有事泰山所司詳

定儀制乙未免洛州今歲租還戶故給復者加給一年賜民八十以上物得獨鰥寡疾病不能自存者

米二斛五月壬申并州僧道及老人等抗表以太原王

慮四

業所因明年登封已後願時臨幸上於武成殿賜宴因
從容謂侍臣曰朕少在太原喜羣聚博戲暑往寒逝將
三十年矣時會中有舊識上者相與道舊以爲笑樂因
謂之曰他人之言或有面諛公等朕之故人實以告朕
卽日政教於百姓何如人間得無疾苦邪皆奏卽日四
海太平百姓歡樂陛下力也臣等餘年日惜一日但眷
戀聖化不知疾苦因固請過并州上謂曰飛鳥過故鄉
猶躑躅徘徊况朕於太原起義遂定天下復少小遊觀
誠所不忘岱禮若畢或冀與公等相見於是賜物各有
差丙子百濟王扶餘璋卒詔立其世子扶餘義慈嗣其

父位仍封爲帶方郡王六月戊申詔天下諸州舉學綜古今及孝悌淳篤文章秀異者竝以來年二月總集泰

山已酉有星孛於太微犯郎位丙辰停封泰山避正殿

以思咎命尚食減膳秋七月

丙寅宥周隋名臣及忠烈子孫貞觀以後流配者

甲戌孛星滅冬十月辛卯大閱於伊闕壬辰幸嵩陽辛

丑還宮十一月壬辰廢鄉長壬申還京師癸酉薛延陀

以同羅僕骨回紇靺鞨靺之衆度漠屯於白道川命營

州都督張儉統所部兵壓其東境兵部尚書李勣爲朔

方行軍總管右衛大將軍李大亮爲靈州道行軍總管

涼州都督李襲譽爲涼州道行軍總管分道以禦之十

二月戊子朔至自洛陽宮

庚子命三品以上嫡子事東宮辛丑慮囚

甲辰李

勣及薛延陀戰於諾真水大破之斬首三千餘級獲馬

萬五千匹薛延陀跳身而遁勣旋破突厥思結於五臺

縣虜其男女千餘口獲羊馬稱是

乙巳贈戰亡將士官三轉

十六年春正月

乙丑遣使安撫西州戊辰募戍西州者前犯流死亡匿聽自首以應募

辛

未詔在京及諸州死罪囚徒配西州爲戶流人未達前

所者徙防西州

中書舍人

兼中書侍郎江陵子岑文本爲中

書侍郎專知機密夏六月辛卯詔復隱王建成曰隱太

子改封海陵刺王元吉曰巢刺王

戊戌太白晝見

秋七月戊午

司空趙國公无忌爲司徒尚書左僕射梁國公元齡爲

司空九月丁巳特進鄭國公魏徵爲太子太師知門下

省事如故冬十一月丙辰

獵於武功

王戌狩於岐山辛酉使

祭隋文帝陵

甲子賜所過六縣高年孤疾遺金粟帛遂幸慶善宮

丁卯宴武功士

女於慶善宮南門酒酣上與父老等涕泣論舊事老人

等遞起爲舞爭上萬歲壽上各盡一杯庚午至自岐州

十二月癸卯幸溫湯甲辰狩於驪山時陰寒晦冥圍兵

斷絕上乘高望見之欲捨其罰恐虧軍令乃迴轡入谷

以避之

乙巳至自溫湯

是歲高麗大臣蓋蘇文弑其君高武而

立武兄子藏爲王

十七年春正月戊辰右衛將軍代州都督劉蘭謀反腰

斬太子太師鄭國公魏徵薨

三月巳亥慮囚

戊申詔圖畫司徒

趙國公无忌等勲臣二十四人於凌烟閣三月

壬子禁送終違

式令

丙辰齊州都督齊王祐殺長史權萬紀典軍韋文

振據齊州自守詔兵部尚書李勣刑部尚書劉德威發

兵討之兵未至兵曹杜行敏執之而降遂賜死於內侍

省丁巳熒惑守心前星十九日而退

甲子以早遣使覆囚決獄乙丑齊王

祐伏誅給復齊州一年

夏四月庚辰朔

乙酉

皇太子有罪廢爲庶人

漢王元昌吏部尚書侯君集竝坐與連謀伏誅丙戌立

晉王治爲皇太子大赦

賜文武官及五品以上子爲父後者爵一級民八十以上粟帛

賜酺三日丁亥中書令楊師道爲吏部尚書己丑加司

徒趙國公長孫无忌太子太師司空梁國公房元齡太

子太傅特進宋國公蕭瑀太子太保兵部尚書英國公

李勣爲太子詹事仍

表作並

同中書門下三品庚寅上親

詣太廟以謝承乾之過癸巳魏王泰以罪降爵東萊郡

王五月乙丑手詔舉孝廉茂才異能之士六月己卯朔

日有食之壬午

新書王辰

改葬隋恭帝

甲午以旱避正殿減膳詔京官五品以上

丁酉尚書右僕射高士廉請致仕詔以爲開府儀同

三司同中書門下三品閏月

丁巳詔皇太子典左右屯營兵

戊午薛延

陀遣其兄子突利設獻馬五萬匹牛騾一萬羊十萬以

請婚許之丙子徙封東萊郡王泰爲順陽王秋七月庚

辰京師訛言上遣棖棖取人心肝以祠天狗遞相驚悚

上遣使徧加宣諭月餘乃止丁酉司空太子太傅梁國

公房元齡以母憂罷職八月庚戌工部尚書鄧國公張亮

為刑部尚書叅預朝政九月癸未徙庶人承乾於黔州

冬十月丁未建諸州丁巳房元齡起復本職十一月已

卯有事於南郊壬午賜天下酺三日以涼州獲瑞石曲

赦涼州并錄京城及諸州繫囚多所原宥十二月庚申幸溫湯庚午

至自溫湯

十八年春正月乙未如鍾官城庚子如鄠壬寅幸溫湯二月己酉如

自零口丁巳給復突厥高昌部人隸諸州者二年夏四月辛亥幸九成宮秋七月

營州都督張儉率幽營兵及契丹奚以伐高麗八月壬子安西都護郭孝恪為

者甲子至自九成宮丁卯散騎常侍清苑男劉洎為侍

中中書侍郎江陵子岑文本中書侍郎馬周竝為中書

令新書馬開守九月黃門侍郎褚遂良參預朝政辛卯郭孝恪及焉者

戰賊冬十月辛丑朔日有食之癸卯宴雍州父老於上林苑賜粟帛甲辰

初置太子司議郎官員甲寅幸洛陽宮安西都護郭孝

恪率師滅焉耆執其王突騎支送行在所已巳獵十一

月戊寅慮囚庚辰遣使巡問鄭汝懷澤四州高年宴賜之壬寅案十一月無壬寅誤車駕至

洛陽宮庚子新書甲午命太子詹事英國公李勣為遼東道

行軍總管出柳城禮部尚書江夏郡王道宗副之刑部

尚書鄖國公張亮爲平壤道行軍總管以舟師出萊州

左領軍常何瀘州都督左難當副之發天下甲士召募

十萬竝趣平壤以伐高麗十二月辛丑新書庶人承乾

死戊午李思摩部落叛

十九年春二月庚戌上親統六軍發洛陽癸丑射虎於武德北山

乙卯詔皇太子留定州監國開府儀同三司申國公高

士廉攝太子太傅與侍中劉洎中書令馬周太子少詹

事張行成表太子左庶子許敬宗太子左庶子高季輔五人同掌

機務以吏部尚書安德郡公楊師道爲中書令丁巳賜所過高

年鰥寡贈殷比干爲太師諡曰忠烈命所司封墓葺祠

堂春秋祠以少牢上自爲文以祭之三月壬辰上發定

州以司徒太子太師兼檢校侍中趙國公長孫无忌中

書令岑文本楊師道從新書師道攝中書令夏四月癸卯誓師於

幽州城南因大饗六軍以遣之丁未中書令岑文本卒

於師癸亥遼東道行軍大總管英國公李勣攻蓋牟城

破之五月已巳平壤道行軍總管程名振克沙卑城庚午次遼澤瘞隋人戰亡者乙亥遼東道行軍

總管張君又丁丑車駕渡遼軍至馬首山甲申上親率鐵騎

與李勣會圍遼東城因烈風發火弩斯須城上屋及樓

皆盡麾戰士令登乃拔之六月丁巳克白巖城丙辰師次安市

城丁巳新書已未高麗別將高延壽高惠真率兵十五萬來

援安市以拒王師李勣率兵奮擊上自高峯引軍臨之

高麗大潰殺獲不可勝紀

右武衛將軍王君愕死之

延壽等以其衆

降囚名所幸山爲駐蹕山刻石紀功焉

辛酉賜天下大酺

二日秋七月

王申葬死事官加爵四級以一子襲

李勣進軍攻安市城至

九月不剋乃班師

九月癸未班師

冬十月

丙午次營州以大半祭死事者

丙辰

入臨渝關皇太子自定州迎謁戊午次漢武臺刻石以

紀功德十一月辛未幸幽州癸酉大饗還師

庚辰次易州癸未平

壤道行軍總管張文幹有罪伏誅丙戌次定州丁亥貶楊師道爲工部尚書

十二月戊申幸

并州

已未薛延陀寇夏州左領軍大將軍執失思力敗之

庚申侍中清苑男劉洎

以罪賜死是歲薛延陀真珠毗伽可汗死

二十年春正月上在并州辛未夏州都督喬師望及薛延陀戰敗之丁丑遣

大理卿孫伏伽黃門侍郎褚遂良等二十二人以六條

巡察四方黜陟官吏庚辰曲赦并州宴從官及起義元

從賜粟帛給復有差二月甲午從伐高麗無功者皆賜勲一轉庚申賜所過高年鰥寡粟

三月己巳車駕至京師庚午不豫皇太子聽政己丑刑部尚書鄭

國公張亮謀反誅閏月癸巳朔日有食之夏四月甲子

太子太師趙國公長孫无忌太子太傅梁國公房元齡

太子太保宋國公蕭瑀各辭調護之職詔許之六月乙亥

遣兵部尚書固安公崔敦禮特進英國公李勣江夏郡王道宗

伐薛延陀擊破薛延陀於鬱督軍山北前後斬首五千餘級

虜男女三萬餘人

新書在七月

秋

七月辛亥疾愈

八月甲子封皇孫

忠爲陳王己巳幸靈州庚午

新書庚辰

次涇陽頓

賜高年鰥寡粟帛丙

戊踰隴山大瓦亭觀牧馬

丁亥許陪陵者子孫從葬鐵勒回紇拔野古同羅僕骨

多濫葛思結阿跌契苾奚結渾斛薛等十一姓各遣使

朝貢奏稱延陀不事大國部落烏散不知所之奴等各

有分地不能逐延陀去歸命天子乞置漢官詔遣會靈

州九月

辛卯遣使巡察嶺南

甲辰鐵勒諸部落俟斤頡利發等遣

使相繼而至靈州者數千人來貢方物因請置吏咸請

至尊爲可汗於是北荒悉平爲五言詩勒石以序其事

辛亥靈州地震有聲冬十月前太子太保宋國公蕭瑀

貶商州刺史丙戌至自靈州

十一月己丑詔祭祀表疏藩客兵馬宿衛行魚契給

驛授五品以上官及除解決死罪皆以聞餘委皇太子

二十一年春正月壬辰開府儀同三司申國公高士廉

薨丁酉詔以來年二月有事泰山甲寅

以鐵勒諸部爲州縣賜京

師酺三日

慮囚降死罪以下

二月壬申詔以左邱明卜子夏公

羊高穀梁赤伏勝高堂生戴聖毛萇孔安國劉向鄭衆

杜子春馬融盧植鄭康成服子慎何休王肅王輔嗣杜

元凱范甯賈逵等二十二人代用其書垂於國胄自今

有事於太學竝命配享宣尼廟堂丁丑皇太子於國學

釋菜

三月戊子左武衛大將軍牛進達爲青邱道行軍大總管李勣爲遼東道行軍大總管率三總管兵

以伐高麗夏四月乙丑營太和宮於終南之上改爲翠微宮

五月戊子幸翠微宮王辰命百司決事於皇太子六月

癸亥司徒趙國公无忌加授揚州都督丁丑遣使鐵勒諸部購中國人

陷沒者秋七月乙未牛進達克石城庚子新書建玉華宮於宜君縣

之鳳凰谷庚戌至自翠微宮八月泉州海溢壬戌詔以河北

大水停封禪辛未骨利幹國遣使貢名馬九月丁酉封皇

子明爲曹王冬十月癸丑十一月癸卯徙封順陽王泰

爲濮王十二月戊寅左驍衛大將軍阿史那社爾右驍

衛大將軍契苾何力安西都護郭孝恪司農卿楊宏禮

爲崑山道新書作崑邱行軍大總管以伐龜茲是歲墮婆登

乙利鼻林送都播羊同石波斯康國吐火羅阿悉吉等
遠夷十九國竝遣使朝貢又於突厥之北至於回紇部
落置驛六十六新書六十八所以通北荒焉

二十二年春正月庚寅中書令馬周卒司徒趙國公无

忌兼檢校中書令知中書門下二省事新書丙午拜戊戌幸

溫湯己亥刑部侍郎新書中書舍人崔仁師爲中書侍郎參知

機務丙午左武衛大將軍薛萬徹爲青邱道行軍大總管以伐高麗戊申還宮二月前

黃門侍郎褚遂良起復黃門侍郎中書侍郎崔仁師除

名配流連州新書己卯貶本傳作龔州癸丑西蕃沙鉢羅葉護率衆

歸附以其俟斤屈裴祿爲忠武將軍兼大俟斤乙卯見京城父

老勞之蠲今歲半戊午以結骨部置堅昆都督丁卯詔度遼水

租畿縣三之一有功未酬動而犯乙亥幸玉華宮賜所經高年篤疾粟

帛有差己卯蒐於華原三月丁亥赦宜君給復縣人夏

四月甲寅磧外蕃人爭牧馬出界上親臨斷決然後咸

服丁巳右武侯將軍梁建方擊松外蠻下其部落七十

二所五月庚子右衛長史王元策擊帝天竺傳無帝字那伏帝

國大破之獲其王阿羅那順及王妃子等虜男女萬二

千人牛馬二萬餘以詣闕使方士那羅邇娑婆於金甌

門造延年之藥吐蕃贊普擊破中天竺國遣使獻捷六

月丙寅張行成存問河北從癸酉特進宋國公蕭瑀薨

軍者家令州縣為營農

丙子薛萬徹及高麗戰於泊灼城敗之秋七月甲申太白晝見壬辰癸卯

司空梁國公房元齡薨八月己酉朔日有食之辛未執失思力

伐薛延陀餘九月庚辰昆邱道行軍總管阿史那社爾部於金山及薛延陀餘部處月處蜜戰敗之

己亥黃門侍郎褚遂良為中書令冬十月癸亥新書至

自玉華宮己巳阿史那社爾及龜茲戰敗之十一月戊戌眉邛雅三州

獠反右衛將軍梁建方茂州都督張士貴討平之新書在九月壬寅庚

子契丹帥窟哥奚帥可度者並率其部內屬以契丹部

為松漠都督以奚部置饒樂都督十二月乙卯增置殿

中侍御史監察御史各二員大理寺置評事十員辛未降長

安萬年徒罪以下閏月丁丑朔崑山道總管阿史那社爾降處

密處月破龜茲大撥等五十城虜數萬口執龜茲王訶
黎布失畢以歸龜茲平西域震駭副將薛萬徹脅于闐
王伏閭信入朝癸未新羅王遣其相伊贊千金春秋及
其子文王來朝癸巳是歲新羅女王金善德死遣冊立
其妹眞德爲新羅王

二十三年春正月辛亥俘龜茲王訶黎布失畢及其相
那利等獻於社廟二月丙戌置瑤池都督府隸安西都
護府丁亥西突厥肆葉護可汗遣使來朝三月丙辰置
鄯州都督府自去冬不雨至於此月己未乃雨辛酉大
赦丁卯不豫敕皇太子於金液門聽政是月日赤無光四

月己亥幸翠微宮五月戊午太子詹事英國公李勣爲

豐州都督辛酉開府儀同三司衛國公李靖薨己巳上

崩於含風殿年五十二年五十三案太宗生於隋文帝

乃五十二遺詔皇太子卽位於柩前喪紀宜用漢制祕

不發喪庚午遣舊將統飛騎勁兵從皇太子先還京發

六府甲士四千人分列於道及安化門翼從乃入大行

御馬輿從官侍御如常禮部尚書于志寧爲侍中太子

兼中書令壬申發喪六月甲戌朔殯於太極殿八月丙子百

寮上諡曰文皇帝廟號太宗庚寅葬昭陵高宗上元元

年八月改上尊號曰文武聖皇帝天寶八載諡文天寶

武大聖皇帝

十三載二月改上尊號爲文武大聖大廣孝皇帝

史臣曰臣觀文皇帝發迹多奇聰明神武拔人物則不私於黨負志業則成盡其才所以屈突尉遲由仇敵而願傾心膂馬周劉洎自疎遠而卒委鈞衡終平泰階諒由斯道嘗試論之礎潤雲興蟲鳴螽躍雖堯舜之聖不能用檁杙窮奇而治平伊呂之賢不能爲夏桀殷辛而昌盛君臣之際遭遇斯難以至抉目剖心蟲流筋擢良由遭值之異也以房魏之智不踰於邱軻遂能尊主庇民者遭時也或曰以太宗之賢失愛於昆弟失教於諸子何也曰然舜不能仁四罪堯不能訓丹朱斯前志也

當神堯任讒之年建成忌功之日苟除畏偏孰顧分崩
變故之興間不容髮方懼毀巢之禍寧虞尺布之謠承
乾之愚聖父不能移也若文皇自定儲於哲嗣不騁志
於高麗用人如貞觀之初納諫比魏徵之日況周發周
成之世襲我有遺妍較漢文漢武之恢宏彼多慙德迹
其聽斷不惑從善如流千載可稱一人而已

贊曰昌發啓國一門三聖文定高位友於不令管蔡旣
誅成康道正貞觀之風到今歌詠

新書贊曰甚矣至治之君不世出也禹有天下傳十
有六王而少康有中興之業湯有天下傳二十八王
而其甚盛者號稱三宗武王有天下傳三十六王而
成康之治與宣之功其餘無所稱焉雖詩書所載時

有闕略然三代千有七百餘年傳七十餘君其卓然
著見於後世者此六七君而已嗚呼可謂難得也唐
有天下傳世二十其可稱者三君元宗憲宗皆不克
其終盛哉太宗之烈也其除隋之亂比迹湯武致治
之美庶幾成康自古功德兼隆由漢以來未之有也
至其牽於多愛復立浮圖好大喜功勤兵於遠此中
以庸主之所常爲然春秋之法常責備於賢者是
以後世君子之欲成人之美者莫不歎息於斯焉

唐書卷第三

唐書卷第四

本紀四

高宗上

高宗天皇大聖大宏孝皇帝諱治

字爲善

太宗第九子也

母曰文德順聖長孫皇后以貞觀二年六月生於東宮之麗正殿五年封晉王七年遙授并州都督幼而岐嶷端審寬仁孝友初授孝經於著作郎蕭德言太宗問曰此書中何言爲善對曰夫孝始於事親中於事君終於立身君子之事上進思盡忠退思補過將順其美匡救其惡太宗大悅曰行此足以事父兄爲臣子矣及文德皇后崩晉王時年九歲哀慕感動左右太宗屢加慰撫由

是特深寵異尋拜右武侯大將軍十七年皇太子承乾
廢魏王泰亦以罪黜太宗與長孫无忌房元齡李勣等
計議立晉王爲皇太子太宗每視朝常令在側觀決庶
政或令參議太宗數稱其善太宗嘗命皇太子遊觀習射太子辭以非所好願得
奉至尊居膝下太宗大喜乃營十八年太宗將伐高麗
寢殿側爲別院使太子居之

命太子留鎮定州及駕發有期悲啼累日因請飛驛遞
表起居并遞敕垂報並許之飛表奏事自此始也及軍
旋太子從至并州時太宗患癰太子親吮之扶輦步從
數日二十三年五月己巳太宗崩庚午以禮部尚書兼
太子少師黎陽縣公于志寧爲侍中太子少詹事兼尚

書左丞張行成爲兼侍中檢校刑部尚書太子右庶子
兼吏部侍郎攝戶部尚書高季輔爲兼中書令檢校吏
部尚書太子左庶子高陽縣男許敬宗兼禮部尚書辛
未還京六月甲戌朔皇太子卽皇帝位時年二十二詔
曰大行皇帝奄棄普天痛貫心靈若寘湯火思遵大孝
不敢滅身永慕長號將何逮及粵以孤眇屬當元嗣思
勵空薄康濟黎元敬順惟新仰昭先德宣布凱澤被乎
億兆可大赦天下內文武賜勲官一級諸年八十以
上資以粟帛雍州及諸州比年供軍勞役尤甚之處並
給復一年辛巳改民部尚書爲戶部尚書豐州都督英

國公李勣爲特進檢校洛州刺史仍於洛陽宮留守癸未詔司徒揚州都督趙國公无忌爲太尉兼檢校中書令知尚書門下二省事餘並如故賜物三千段癸巳特進英國公勣爲開府儀同三司同中書門下三品

新書參掌

機密未拜同三品當從新書

秋七月丙午改治書侍御史爲御史中

丞諸州治中爲司馬別駕爲長史治禮郎爲奉禮郎以避上名以貞觀時不諱先帝二字詔有司奏曰先帝二名禮不偏諱上旣單名臣子不合指斥上乃從之己酉于闐王伏闕信來朝八月癸酉朔河東地震晉州尤甚壞廬舍壓死者五千餘人三日又震

庚辰

詔遣使存問給

復二年歷死者賜絹三疋以開府儀同三司英國公勣

爲尚書左僕射同中書門下三品

新書在九月乙卯

僕射始帶

同中書門下庚寅葬太宗於昭陵九月甲寅加授鄜州

刺史荆王元景爲司徒前安州都督吳王恪爲司空兼

梁州刺史丙寅贈太尉梁國公元齡贈司徒申國公士

廉贈左僕射蔣國公屈突通並可配食太宗廟庭冬十

一月甲子以瑤池都督阿史那賀魯爲左驍衛大將軍

乙丑晉州地又震

左翊衛郎將高侃伐突厥

是冬無雪

永徽元年春正月辛丑朔上不受朝詔改元壬寅御太

極殿受朝而不會丙午立妃王氏爲皇后

張行成爲侍中

丁未

以陳王忠爲雍州牧二月辛卯封皇子孝爲許王上金

爲杞王素節爲雍王夏四月己巳朔晉州地又震五月

丁未上謂羣臣曰朕謬膺大位政教不明遂使晉州之

地屢有震動良由賞罰失中政道乖方卿等宜各進封

事極言得失以匡不逮吐火羅遣使獻大鳥如駝食銅

鐵上遣獻於昭陵吐蕃贊普死遣右武衛將軍鮮于匡

濟齋璽書往弔祭已未太白晝見六月高俚及突厥戰於金山敗之庚辰晉

州地震詔五品以上言事秋七月丙寅新書辛酉以旱親錄京城囚

徒八月戊辰給五品以上解官充侍者半祿加賜帛庚午降死罪以下九月癸卯右驍衛

郎將高俚執車鼻可汗詣闕獻於社廟及昭陵己未尙

書左僕射英國公勣固請解職許之令以開府儀同三

司同中書門下三品

新書在十月戊辰

十一月己未中書令河

南郡公褚遂良左授同州刺史十二月

庚午琰州都督謝

萬歲死之瑤池都督沙鉢羅葉護阿史那賀魯以府叛自稱

可汗總有西域之地

新書在二年正月乙卯

是歲雍絳同等九州

旱蝗齊定等十六州水

二年春正月戊戌詔曰去歲關輔之地頗弊蝗螟天下

諸州或遭水旱百姓之間致有罄乏此朕之不德兆庶

何辜矜物罪已載深憂惕今獻歲肇春東作方始糧廩

或空事資賑給其遭蟲水處有貧乏者得以正義倉賑

貨雍同二州各遣郎中一人充使存問務盡哀矜之旨

副朕乃眷之心乙巳黃門侍郎平昌縣公宇文節加銀

青光祿大夫依舊同中書門下三品守中書侍郎柳爽

爲中書侍郎依舊同中書門下三品夏四月乙丑命有司毋進肉

食訖於五月乙酉秩太廟令及獻昭二陵令從五品丞從七

品五月壬辰開府儀同三司及京官文武職事四品五

品並給隨身魚六月辛酉開府儀同三司襄邑王神符

薨秋七月丁未賀魯寇陷金嶺城蒲類縣遣武侯大將

軍梁建方右驍衛大將軍契苾何力爲弓月道總管以

討之八月乙丑大食國始遣使朝獻己巳侍中燕國公

于志寧爲尚書左僕射侍中兼刑部尚書北平縣公張

行成爲尚書右僕射並同中書門下三品猶不入銜中

書令兼檢校吏部尚書脩縣公高季輔爲侍中己卯白水蠻寇

邊左領軍將軍趙孝祖爲九月癸巳改九成宮爲萬年郎州道行軍總管以伐之

宮廢玉華宮以爲佛寺癸卯以同州苦閏月辛未頒新

定律令格式於天下冬十月辛卯晉州地震十一月辛

酉有事於南郊戊辰新書定襄地震癸酉禁進犬馬鷹鵠丁丑以

高昌故地置安西都護府白水蠻寇麻州命左領軍將

軍趙孝祖討平之甲申雨水冰是月賈州義州蠻寇邊

太白晝見壬子處月朱邪孤注殺招慰使單道惠叛附於賀魯是冬無雪

三年春正月癸亥

新書甲子

以去秋至於是月不雨上避正

殿降天下死罪及流罪遞減一等徒以下咸宥之弓月

道總管梁建方契苾何力等大破處月朱邪孤注於牢

山斬首九千級虜渠帥六千

千字疑誤

俘生口萬餘獲牛馬

雜畜七萬丙寅太尉趙國公无忌以旱請遜位不許已

巳同州刺史河南郡公褚遂良爲吏部尙書同中書門

下三品丙子親祠太廟丁亥籍於千畝賜羣官帛有差

三月辛巳

雨土

黃門侍郎平昌縣公宇文節爲侍中中書

侍郎柳奭爲

新書守

中書令庚申

庚申字有謫

幸觀德殿賜文

武羣官大射夏四月庚寅左領軍將軍趙孝祖大破白

水蠻大勃律甲午澧州刺史彭王元則薨

是月兵部侍郎韓瑗爲黃

門侍郎同中書門下三品

五月庚辰

新書庚申

詔以周司沐大夫裴融齊

侍中崔季舒給事黃門侍郎裴澤尚書左丞封孝琰隋

儀同三司豆盧毓御史中丞游楚客等並門挺忠鯁其

子孫各宜甄擢

新書裴融封孝琰別在九月壬辰

秋七月丁巳立陳王

忠爲皇太子大赦天下五品已上子爲父後者賜勲一

轉大酺三日乙丑左僕射于志寧兼太子少師右僕射

張行成兼太子少傅侍中高季輔兼太子少保侍中宇

文節兼太子詹事丁丑上問戶部尚書高履行去年進

戶多少履行奏稱進戶總一十五萬又問曰隋日有幾

戶今見有幾戶履行奏隋開皇中有戶八百七十萬卽

今見有戶三百八十萬九月丁巳改太子中允爲內允

中書舍人爲內史舍人諸率府中郎將改爲旅賁郎以

避太子名

是月中書侍郎來濟
同中書門下三品

冬十月戊戌幸同安大

長公主第又幸高陽長公主第卽日還宮十一月乙亥

駭馬國遣使朝貢庚寅宏化長公主自吐谷渾來朝十

二月癸巳濮王泰薨

四年春正月癸丑朔上臨軒不受朝以濮王泰在殯故

也丙子新除房州刺史駙馬都尉房遺愛司徒秦州刺

史荆王元景司空安州刺史吳王恪寧州刺史駙馬都

尉薛萬徹嵐州刺史駙馬都尉柴令武謀反二月乙酉

新書
甲申

遺愛萬徹令武等並伏誅元景恪巴陵高陽公主

並賜死左驍衛大將軍安國公執失思力配流壽州侍
中兼太子詹事平昌縣公宇文節配流桂州戊子特進
太常卿江夏王道宗配流桂州恪母弟蜀王愔廢爲庶
人已亥絳州刺史徐王元禮加授司徒開府儀同三司
英國公勣爲司空三月壬子朔頒孔穎達五經正義於
天下每年明經令依此考試丙辰上御觀德殿陳逆人
房遺愛等口馬資財爲五塚引王公諸親蕃客及文武
九品以上射夏四月戊子林邑國王遣使來朝貢馴象

壬寅以旱避正殿減膳親錄繫囚遣使分省天下冤獄

詔文武官極言得失

六月己丑太白晝見

秋八月己亥隕石十八

於同州之馮翊有聲如雷九月壬戌尙書右僕射北平

縣公張行成薨甲戌吏部尙書河南郡公褚遂良爲尙

書右

新書左

僕射依舊知政事冬十月庚子幸新豐之温

湯甲辰曲赦新豐乙巳至自温湯戊申睦州女子陳碩

貞舉兵反自稱文佳皇帝攻陷睦州屬縣婺州刺史崔

義元揚州都督府長史房仁裕各率衆討平之十一月

庚戌陳碩貞伏誅

癸丑兵部尙書固安縣公崔敦禮爲侍中

丁巳

柳奭爲中書令

頒新律疏於天下十二月庚子侍中兼太子少

保脩縣公高季輔卒

五年春

正月丙寅以旱詔文武官朝集使言事

三月戊午幸萬年宮

乙丑次鳳

泉湯

辛未曲赦所經州縣繫囚以工部尚書閻立德領丁

夫四萬築長安羅郭夏四月守黃門侍郎潁川縣公韓

瑗守中書侍郎來濟並加銀青光祿大夫依舊同中書

門下三品閏五月丁丑夜大雨水漲暴溢漂溺麟遊縣

居人及當番衛士死者三千餘人六月恒州大雨渰沱

河泛溢溺五千餘家癸丑蒲州汾陰縣暴雨漂溺居人

浸壞廬舍癸亥中書令柳奭兼吏部尚書

案新書作罷則兼字疑誤

丙寅河北諸州大水

遣使慮囚

秋七月辛巳有小鳥如雀生

大鳥如鳩於萬年宮皇帝舊宅八月大理奏決死囚總

管

總管二字疑誤

七十餘人辛亥詔自今已後五品以上有薨

亡者隨身魚並不須追收

已未詔免麟遊岐陽今歲課役岐州及供頓縣半歲

辛

未吐蕃使人獻馬百匹及大驢可高五丈廣袤各二十

七步

案驢卽高大當不至此疑是穹廬

九月丁酉至自萬年宮冬十一

月癸酉築京師羅郭和雇京兆百姓四萬一千人版築

三十日而罷九門各施觀

新書在十月癸卯

十二月癸丑倭國

獻琥珀碼碯琥珀大如斗碼碯大如五斗器戊午發京

師謁昭陵在路生皇子賢己未敕二年一定戶

六年春正月壬申朔親謁昭陵曲赦醴泉縣民放今年

租賦陵所宿衛將軍郎將進爵一等陵令丞加階賜物

癸酉以少牢祭陪葬者甲戌至自昭陵於陵側建佛寺庚寅封皇

子宏爲代王賢爲潞王二月乙巳皇太子忠加元服降死

下以內外文武職事五品已上爲父後者賜勲一級大

酺三日乙丑營州都督程名振左衛中郎將蘇定方伐高麗三月營州都督程名

振破高麗於貴端水新書在五嘉州辛道讓妻新書五行志名

道一產四男壬戌案三月無壬戌昭儀武氏著內訓一篇夏五

月癸未命左屯衛大將軍盧國公程知節等五將軍率

師出蔥山道以討賀魯王辰黃門侍郎潁川郡公韓瑗爲

侍中中書侍郎南陽縣男來濟爲中書令兼吏部尚書

河東縣男柳奭貶遂州刺史六月大食國遣使朝貢秋

七月乙亥

新書西

侍中固安縣公崔敦禮爲中書令乙酉

均天下州縣公廨

是月中書舍人李義府爲中書侍郎參知政事舊書本傳同中書門下三

品八月尚藥奉御蔣孝璋員外特置仍同正員外同正

自蔣孝璋始也已酉大理更置少卿一員先是大雨道

路不通京師米價暴貴出倉粟糶之京師東西二市置

常平倉九月庚午尚書右僕射河南郡公褚遂良以諫

立武昭儀貶授潭州都督乙酉洛州大水毀天津橋冬

十月

齊州黃河溢

已酉廢皇后王氏爲庶人

表癸丑崔敦禮檢校太子詹事

乙卯立昭儀

新書宸如

武氏爲皇后丁巳大赦天下

賜民八十以上粟帛

十一月丁卯朔臨軒命司空勣左僕射志寧冊皇后文

武羣官及蕃夷之長奉朝皇后於肅儀門己巳皇后見

於廟癸酉追贈后父故工部尚書應國公贈并州都督

武士護爲司空丙子淄州高苑縣吳文威妻魏氏一產

四男三見育戊子停諸州貢珠癸巳應國夫人楊氏改封代國

夫人詔禁吏酷法及爲隱名書者十二月遣禮部尚書高陽縣男許

敬宗每日待詔於武德殿西門是冬皇后殺王庶人

七年顯慶元年春正月辛未廢皇太子忠爲梁王立代王宏

爲皇太子壬申大赦改元爲顯慶文武九品已上及五

品已下子爲父後者賜勲官一轉大酺三日八十已上粟帛甲

子

案是月無甲子當從表作甲申

尚書左僕射兼太子少師燕國公于

志寧兼太子太傅侍中韓瑗中書令來濟禮部尚書許

敬宗並為太子賓客始有賓客也御元武門餞蔥山道

大總管程知節

丙戌禁胡人為幻歲者甲午放官人

二月庚寅

案二月名無庚寅

名

破陣樂為神功破陣樂辛亥贈司空武士護為司徒周

國公三月辛巳皇后祀先蠶於北郊丙戌戶部侍郎杜

正倫為守黃門侍郎同中書門下三品夏四月

壬寅詔五品已

上老疾不以罪者同致仕

戊申御安福門觀僧元奘迎御製并書慈

恩寺碑文導從以天竺法儀其徒甚盛

壬子矩州人謝無零反伏誅

五月己卯太尉長孫无忌進史官所撰梁陳周齊隋五

代史志三十卷宏文館學士許敬宗進所撰東殿新書

三百卷上自製序六月岐州刺史潞王賢爲雍州牧秋

七月癸未中書令兼檢校太子詹事固安縣公崔敦禮

爲太子少師同中書門下三品改戶部尙書爲度支尙

書侍郎亦然八月丙申太子少師崔敦禮卒

辛丑

左衛大

將軍程知節與賀魯所部歌邏祿獲刺頡發及處月預

支俟斤等戰於榆幕谷大破之斬首千餘級獲駝馬牛

羊萬計九月癸酉初詔戶滿三萬已上爲上州二萬已

上爲中州先爲上州中州者各依舊皇后製外戚誠庚

辰括州海水泛溢壞安固永嘉二縣損四千餘家辛巳

初制都督及上州各置執刀十五人中州下州十人癸

未初置驃騎大將軍官爲從一品程知節與賀魯男啞

運戰斬首數千級進至怛篤城俘其部落戶口及貨物

鉅積冬十一月乙丑皇子顯生詔宗官朝集使各加勲

級自八月霜且雨至於是月十二月乙酉置算學左屯衛大將軍程

知節坐討賀魯逗留追賊不及減死免官罷蘭州都督

鄯州置都督是歲龜茲大將羯獵顛附於賀魯左屯衛大將軍楊昌伐之

二年春正月庚寅新書閏正月壬寅幸洛陽庚戌命右屯衛將軍

蘇定方等四將軍爲伊麗道將軍率師以討賀魯二月

辛酉入洛陽宮癸亥曲赦洛州免民一歲租調賜百歲已上龜衾粟帛庚午

封皇第七子顯為周王

壬申

徙封許王素節為郇王三月

戊申禁舅姑拜公主父母拜王妃

甲子

新書癸丑案是月無甲子當從新書

中書侍郎李

義府為

新書兼

中書令兼檢校御史大夫黃門侍郎

表仍太子

賓客杜正倫兼度支尚書依舊同中書門下三品夏五月

丙申幸明德宮秋七月丁亥還洛陽宮八月丁卯侍中

潁川縣公韓瑗左授振州刺史中書令兼太子詹事南

陽縣侯來濟左授台州刺史皆坐諫立武昭儀為皇后

救褚遂良之貶也

辛未

禮部尚書高陽郡公

衛尉卿

許敬宗

為侍中以立武后之功也九月庚寅度支尚書杜正倫

為新書兼中書令冬十一月戊戌

如許州甲辰遣使慮所過縣囚乙巳獵於潁南

王子親講武於許鄭之郊曲赦鄭州免一年租賦賜八十以上粟帛其嘗

事高祖任佐史皆以名聞遣使祭鄭大夫國僑漢太邱長陳寔墓十

二月乙卯還洛陽宮庚申改此下昏葉二字宮丁卯手

詔改洛陽宮為東都洛州官員階品並準雍州廢穀州

以福昌等四縣并懷州河陽濟源溫鄭州汜水並隸洛

州己巳中書省置起居舍人兩員品同起居郎庚午以

周王顯為洛州牧壬午分散騎常侍為左右各兩員其

右散騎常侍隸中書省

三年春正月戊子太尉趙國公无忌等修新禮成凡一

百三十卷二百五十九篇詔頒於天下戊申楊肖及龜茲羯獵顛戰於

泥師城敗之

二月丁巳

新書甲戌

車駕還京壬午

新書戊寅

親錄囚徒

多所原宥蘇定方攻破西突厥沙鉢羅可汗賀魯及咥

運闕啜賀魯走石國副將蕭嗣業追擒之收其人畜前

後四十餘萬

新書在二年十二月丁巳

甲寅

案二月無甲寅

西域平以其地

置濛池崑陵二都督府復於龜茲國置安西都護府以

高昌故地爲西州置懷化大將軍正三品歸化將軍從

三品以授初附首領仍分隸諸衛六月程名振攻高麗

戰於赤烽鎮敗之

九月廢書算律學有司奏請造排車七百乘

擬行幸載排城上以爲勞民乃於舊頓置院墻焉冬十

一月乙酉兼中書令太子賓客兼檢校御史大夫河間

郡公李義府左授普州刺史兼中書令太子賓客襄陽
郡公杜正倫左授橫州刺史中書侍郎李友益除名配
流嶺州戊子侍中許敬宗權檢校中書令戊戌侍中太
子賓客權檢校中書令高陽郡公許敬宗爲中書令賓
客已下如故大理卿辛茂將爲新書侍中鴻臚卿蕭嗣
業於石國取賀魯至獻於昭陵新書甲辰開府儀同三
司鄂國公尉遲敬德薨

四年春二月己亥上親策試舉人凡九百人惟郭待封
張九齡五人居上第令待詔宏文館隨仗供奉三月以
左驍衛大將軍郾國公契苾何力往遼東經畧壬申崑陵都護

阿史那彌射及西突厥真
珠葉護戰於雙河敗之

夏四月己未

新書

太子太傅

尚書左僕射燕國公于志寧爲太子太師仍同中書門

下三品乙丑黃門侍郎許圜師

表兼檢校左庶子

同中書門下

三品丙寅太子太師同中書門下三品燕國公于志寧

免官放還私第

新書同戊辰

戊辰太尉揚州都督趙國公无

忌帶揚州都督於黔州安置依舊準一品供給五月己

許圜師爲中書侍郎同中書門下三品

丙申兵部尚書任雅相

表同中書門下三品

度支尚書盧承慶並參知政事

戊戌殺涼州都督長史趙持滿秋七月己丑

以早避正殿壬辰慮囚

八月壬子普州刺史李義府爲吏部尚書

同中書門下三品

表九月癸卯辛茂將兼左庶子

冬十月

表甲辰許圜師兼右庶子

乙巳新書皇太子加元服大赦天下文武五品已上子

孫為父祖後者加勳實一級大酺三日閏月戊寅幸東

都皇太子監國辛巳詔所過供頓免今歲租賦戊戌至

東都十一月丙午以中書侍郎許圜師為左散騎常侍檢

校侍中戊午兼侍中辛茂將率癸亥以邢國公蘇定方

為鄆邱道總管案蘇定方傳顯慶五年拜熊津道大總

管之命且是時定方方討都曼不應劉伯英為崑疑

夷道總管賀魯部悉結闕侯斤都曼寇邊左曉衛大

將軍蘇定方為安撫大使以伐之肅承慶

同中書門下三品

五年春正月癸卯蘇定方甲子幸并州己巳次長平二

俘都曼以獻

賜父老布帛

月辛巳至并州丙戌宴從官及諸親并州官屬父老賜帛有差曲赦并州及管內諸州義旗初職事五品已上身亡歿墳墓在并州者令所司致祭佐命功臣子孫及大將軍府僚佐已下今見存者賜階級有差量才處分起義之徒職事一品已下賜物有差年八十已上版授刺史縣令佐命功臣食別封身已歿者爲後子孫各加兩階賜酺三日甲午祠舊宅以武士護殷開山劉政會配食三月丙午皇后宴親族鄰里故舊於朝堂命婦婦人入會於內殿及皇室諸親賜帛各有差及從行文武五品已上制以皇后故鄉并州長史司馬各加勲級又

皇后親預會每賜物一千段替親五百段大功已下及

無服親鄰里故舊有差城內及諸婦女年八十已上各

版授郡君仍賜物等已酉講武於并州城西上御飛閣

引羣臣臨觀辛亥發神邱道軍伐百濟左武衛大將軍蘇定方為神邱

道行軍大總管新羅王金春秋為嶠夷道丁巳左右領

行軍總管率三將軍及新羅兵以伐百濟始改左右千牛夏四月戊寅車駕還東都造八關宮於

東都苑內癸巳至自并州五月壬戌新書辛丑幸八關宮改

為合璧宮戊辰定襄都督阿史德樞賓為沙磧道行軍總管以伐契丹六月庚午朔

日有食之辛卯詔文武五品已上四科舉人甲午駕還

東都疑衍文蓋即上四月癸巳至自并州文重出於此秋七月乙巳廢梁王忠

爲庶人徙於黔州戊辰

新書
丁卯

度支尚書同中書門下三

品盧承慶以罪免八月庚辰蘇定方等討平百濟面縛

其王扶餘義慈國分爲五部郡三十七城二百戶七十

六萬以其地分置熊津等五都督府

壬午左武衛大將軍鄭仁泰及悉結

拔也固僕骨
同羅戰敗之

癸未曲赦神邱崑夷道總管已下賜天下

大酺三日九月戊午賜英國公勣墓塋一所冬十月丙

子代國夫人楊氏改榮國夫人品第一位在王公母妻

之上十一月戊戌朔邢國公蘇定方獻百濟王扶餘義

慈太子隆等五十八人俘於則天門責而宥之乙卯

新書

甲寅狩於許鄭之郊十二月

辛未獵於
安樂川

己卯至自許州

壬午

左驍衛大將軍契苾何力爲湟江道行軍大總管蘇定方爲遼東道行軍大總管左驍衛將軍劉伯英爲平壤道行軍大總管以伐高麗阿史德樞賓及奚契丹戰敗之

六年

龍朔元年

春正月乙卯於河南河北淮南六十七州募

得四萬四千六百四十六人往平壤帶方道行營

戊午鴻臚

卿蕭嗣業爲扶餘道行軍總管以伐高麗二月乙未以益綿等州皆言龍見

改元曲赦洛州龍朔元年三月丙申朔改元壬戌幸合

璧宮夏五月丙申

新書四月庚辰

命左驍衛大將軍涼國公契

苾何力爲遼東道大總管左武衛大將軍邢國公蘇定

方爲平壤道大總管兵部尚書同中書門下三品樂安

縣公任雅相爲湟江道大總管

蕭嗣業爲扶餘道行軍總管右驍衛將軍程名

振爲鏤方道行軍總管左驍衛將軍龐孝泰爲沃沮道行軍總管以伐高麗是日皇后

請禁天下婦人爲俳優之戲詔從之甲子晦日有食之

六月

辛巳太
白經天

庚寅中書令許敬宗等進累壁六百三十

卷目錄四卷秋七月癸卯車駕還東都八月

甲戌蘇定
方及高麗

戰於涓
江敗之

丙戌令諸州舉孝行尤著及累葉義居可以勵

風俗者九月甲辰

新書
癸卯

以河南縣大女張年百三歲親

幸其第又幸李勣之第天官寺是高祖潛龍時舊宅上

周歷殿宇感愴久之度僧二十人皇后至許圜師第王

子徙封潞王賢爲沛王是日以雍州牧幽州都督沛王

賢爲揚州都督左武侯大將軍牧如故以洛州牧周王

顯爲并州都督是日敕中書門下五品已上諸司長官
尚書省侍郎并諸親三等已上並詣沛王宅設宴禮奏
九部樂禮畢賜帛雜綵等各有差冬十月丁卯狩於陸
渾戊辰獵於非山癸酉還宮鄭仁泰爲鐵勒道行軍大總管蕭嗣業爲仙掌道行軍大總管左驍衛大將軍阿史那忠爲長岑道行軍大總管以伐鐵勒是歲新羅王金春秋卒其
子法敏嗣立

二年春正月乙巳太府寺更置少卿一員分兩京檢校
丙午東都初置國子監并加學生等員均分於兩都敎
授二月甲子改京諸司及百官名尚書省爲中臺門下
省爲東臺中書省爲西臺左右僕射爲左右匡政左右

丞爲肅機侍中爲左相中書令爲右相自餘各以義訓

改之又改六宮內職名甲戌司戎太常伯浪江道總管

樂安縣公任雅相卒於軍

戊寅麗孝泰及高麗戰於蛇水死之。表丙戌許敬宗爲

右相三月甲申自東都還京

庚寅鄭仁泰及鐵勒戰於天山敗之乙巳如河北縣辛亥

如蒲州

癸丑幸同州蘇定方破高麗於葦島又進攻平壤

城不克而還夏四月庚申朔至自東都辛巳造蓬萊宮

成徙居之五月丙申左侍極許圜師爲

表檢校

左相

表在

二月丙戌

乙巳復置律書算三學六月己未朔皇子旭輪生

癸亥禁宗戚獻纂組雕鏤

乙丑初令道士女冠僧尼等並盡禮致拜

其父母乙亥制蓬萊宮諸門殿亭等名秋七月丁亥朔

新書戊子以東宮案此當從新書誕育滿月大赦天下賜

酺三日右威衛將軍孫仁師為熊津道行軍總管以伐百濟戊戌李義府罷八月甲午右

相許敬宗乞骸骨壬寅許敬宗為太子少師同東西臺

三品仍知西臺事九月司禮少常伯孫茂道奏稱八品

九品舊令著青亂紫非卑品所服望令著碧詔從之戊

寅新書前吏部尚書河間郡公李義府起復為司列太

常伯同東西臺三品冬十月丁酉幸溫湯皇太子宏監

國丁未至自溫湯庚戌西臺侍郎上官儀同東西臺三

品十一月辛未左相許圜師下獄癸酉封皇第四子旭

輪為殷王十二月辛丑改魏州為大都督府改冀州為

魏州又以并揚荆益四都督府並爲大都督府沛王賢
爲揚州大都督周王顯爲并州大都督殷王旭輪遙領
冀州大都督左相許圜師解見任是歲右衛將軍蘇海
政爲馳海道行軍總
管以伐遼茲海政殺崑
陵都督阿史那彌射

三年春正月左武衛大將軍鄭仁泰等率師討鐵勒餘
種盡平之乙丑司列太常伯李義府爲右相二月丙戌
隴雍同岐等一十五州戶口徵修蓬萊宮癸巳置太子
左右諭德及桂坊大夫等官員改司經局爲桂坊館崇
賢館罷隸左春坊丁酉減京官一月俸助修蓬萊宮己亥
殺駙馬都尉韋正矩庚戌詔曰天德施生陽和在節言念幽圉載

惻分宵雖復每有哀矜猶恐未免枉濫在京繫囚應流死者每日將二十人過於是親自臨問多所原宥不盡者令皇太子錄之詔以書學隸蘭臺算學隸祕閣律學隸詳刑寺改燕然都護府爲瀚海都護府瀚海都護府爲雲中都護府三月前左相許圜師左遷虔州刺史

新書

在二年十一月
辛未表同誤

皇太子宏撰瑤山玉彩成書凡五百卷

夏四月乙丑右相李義府下獄戊子李義府除名配流

舊州丙午幸蓬萊宮新起含元殿

五月壬午柳州蠻反
冀州都督長史劉伯

英以嶺南兵伐之六月吐蕃攻吐谷渾涼州都督鄭仁泰爲青海道行軍大總管以救之秋八月癸

卯彗星見於左攝提戊申詔百僚極言正諫命司元太

常伯竇德元司刑太常伯劉祥道等九人爲持節大使

分行天下仍令內外官五品已上各舉所知

九月戊午孫仁師及

百濟戰於白江敗之

冬十月

辛巳詔皇太子五日一至光順門監諸司奏事小事決之

丙申絳

州麟見於介山丙午含元殿前麟趾見十一月癸酉

新書

甲雨冰

新書五行志作麟戊德元年十二月誤

十二月庚子詔改來年正月

一日爲麟德元年

降京師雍州諸縣死罪以下壬寅安西都護高賢爲行軍總管以伐弓月

麟德元年春正月甲子改雲中都護府爲單于大都護

府官品同大都督府二月丁亥加授殷王旭輪單于大

都護戊子

如福昌宮

癸卯幸萬年宮三月辛亥展大赦禮丁

卯長女追封定安公主諡曰思其鹵簿鼓吹及供葬所

須並如親王之制於德業寺遷於崇敬寺夏四月壬午衛

州刺史道王元慶薨五月戊申許王孝薨乙卯於昆明之

弄棟川置姚州都督府丙寅以旱秋七月丁未詔以三年正月有事於泰

山八月丙子朔至自萬年官便幸舊宅己卯降萬年縣

繫囚因幸大慈恩寺壬午還蓬萊宮戊午新書丁亥兼司列

太常伯檢校沛王府長史陽城縣侯劉祥道兼右相大

司憲竇德元兼司元太常伯檢校左相九月乙卯詔曰

周京兆尹左右官伯大將軍司衛上將軍少冢宰廣陵

郡公宇文孝伯忠亮存心貞堅表志淫刑既逞方納諫

而求仁忍忌將加甘捐軀而徇節年載雖久風烈猶生

宜峻徽章式旌肩胄其孫左威衛長史思純可加授朝散大夫十二月丙戌殺西臺侍郎上官儀戊子庶人忠坐與儀交通賜死右相陽城縣侯劉祥道爲司禮太常伯太子右中護檢校西臺侍郎樂彥瑋西臺侍郎孫處約同知政事

表尋同東西臺三品

是冬無雪

二年春二月壬午幸東都丁酉幸合璧宮三月甲寅兼司戎太常伯永安郡公姜恪同東西臺三品戊午慮雍洛二州及諸司囚甲子以發向泰山停選辛未東都造乾元殿成閏月癸酉日有食之

是春陳勒弓月吐蕃攻于闐西州都督崔智辨

左武衛將軍曹繼叔救之

夏四月丙午曲赦桂廣黔三都督府管內

大辟罪已下丙寅講武邙山之陽御城北樓觀之戊辰
左侍極仍檢校大司成嘉興縣子陸敦信爲檢校右相
其大司成宜停西臺侍郎孫處約樂彥瑋並停知政事
五月辛卯以祕閣郎中李淳風造厯成名麟德厯頒之
以司空英國公李勣少師高陽郡公許敬宗右相嘉興
縣子陸敦信左相鉅鹿男竇德元爲檢校封禪使六月
鄜州大水壞城邑秋七月己丑鄧王元裕薨冬十月戊午
皇后請封禪司禮太常伯劉祥道上疏請封禪王戊帶方州刺史
史劉仁軌爲大司憲兼知政事表檢校太子左中護癸亥高麗王高藏遣其子福
男來朝丁卯將封泰山發自東都是歲大稔米斛五錢

薳麥不列市十一月丙子次於原武以少牢祭漢將紀
信墓贈驃騎大將軍庚寅華州刺史燕國公于志寧卒
十二月丙午御齊州大廳乙卯命有司祭泰山丙辰發
靈巖頓

唐書卷第四